

雅林小藁

北山訪僧晚歸

吟僧山北住又買過湖船半日得閒話一生無此綠波  
光 酒興竹色帶茶烟歸路斜陽裏徐行聽亂蟬

蓬萊何山倅圖

一棹三萬里何修入窈深水痕涵雨意巖影帶秋陰雖  
愧無仙骨終能長道心古人殊錯計空向海中尋

讀書樓作

古括王 琮中玉

近來閒過日幽事頗相關  
遠樹開晴晝歸雲當晚山  
官情隨處薄詩稿逐時刪  
骨若無仙分何因住此間

哭潘令

河陽桃李樹惆悵不逢春  
官為吟詩折家因好客貧  
故山歸去遠遺像挂來真  
誰向江頭哭共鄉三數人

三巖

閒携一壺酒來對雪巖  
斟秋老瀑飛瘦石寒雲宿  
深坐無僧共話行有鶴隨  
琴此處儘不俗令人生隱心

題獨醒小亭東嘉酒舍予所創

退食多留此翛然一散襟  
涼從曉來覺秋向雨中深  
墻竹侵山色簷茅襟柳陰  
有誰能載酒過我共幽尋

挽何耐軒

調度如儒素相門中所難  
一心惟好佛半世懶求官  
星近緹屏落墳依宰木寒  
遺思滿溪麓魚鳥亦辛酸

客裏有懷徐太古

近來真倦客怕蹋軟塵紅  
獨向一檮坐靜觀諸境空  
官河添夜雨宰樹帶秋風  
還憶能吟者襟期何日同

與劉天遊伯仲夜話雪中戲贈

水亭新得月生對白蘋州共說一夜話惜無多日面手  
抄詩許借口誦咒如流最美同吟處對牀風雨秋

秋夜有懷醉書十韵

秋風從何來颯々入窓牖殘燈耿不寐照我容顏厚故  
園豈不佳亦頗興懷否黃金桂百樹碧玉池十畝狹鶴  
響空山亭臺映疎柳觥籌襟袵菽筆硯得佳友愁無彈  
鵲句雋有持螯手人生行樂耳功名有時有點檢屐幾  
兩土苴米五斗浩然歸去來萬事不如酒

城西即事

清曉離家去路遙絕憐寒景太蕭條松深漸覺風聲緊  
雲動還知雪意銷沙甯客擔魚種賣山頭人拾樹枝燒  
梅花多處誰家酒斜舞青帘隔小橋

次韻項君玉

惠然乘輿訪幽栖細雨冥々濕杖藜七尺身強於鶴瘦  
一生心不向人低日尋靈藥行寒麓時有新詩付小奚  
欲解貂金同一醉酒壺聞只在前溪

答友人

秋山曾是共登臨感慨蘭亭後視今炎熱不過能炙手

笑談未必到知心前言袂：風波去後約寥：歲月深  
室邇豈應人自遠酒盟詩社要重尋

京華病中

自移藥鼎在牀頭桂玉令人分外愁因病始知歸計好  
雖貧不向俗人謀僧曾帶雨來看豚僕為傷風懶上樓  
賴有壁間新買畫寒燈相對兩山秋

客南徐一首

秋來客裏幾蹉跎醉唯堪浩：歌盛世未應知己少  
諸公自是閱人多潮生瓜步風猶急苔滿浯溪石欠磨

憶昔祖生忠憤後更無一揖是如何

次韵徐獻可策別重巽

誰憐范叔戀袍寒猶有徐卿二子看大率：中多物忤  
相知：到此心難最憐風雪分吟筆安得江山共倚闌  
後夜小窓懷素帖桃燈應憶我同觀

代辟客送總卿歸吳

使星卿月照淮壖百萬貔貅飽據鞍出處豈無公論在  
規模應有後人看半年水驛衣猶濕一紙天箋墨未乾  
事與心違知己異折梅花列歲云寒

鄴中書懷

苦無官况莫來休，羞見傍人說宦遊。  
九十日秋蛩共語，兩三夜雨鴈供愁。  
腐紅只有虛名在，堅白難將實意酬。  
驛路梅花歸正好，苦無官况莫來休。

喜趙君甫赴班

西臺自是舊相知，來了為山一簣虧。  
入幕雖無多日在，焚書已是十年遲。  
金閨接武人爭羨，玉牒能文世所奇。  
此去錦鄉繚兩宿，仙茅綠景正堪詩。

題多景樓

秋滿闌干曉共憑，殘烟衰草最關情。  
西風吹起江心浪，猶作當時擊楫聲。

漢荆王墓

廟在京口府治

落落廟碑摹瘞鶴，陰陰宰木宿神鴉。  
可憐寶劍凌雲氣，散作金燈滿地花。

獨醒午坐

小槽停溜務廳閒，幙府文書省却難。  
竟日徘徊無俗意，祇因竹外有秋山。

旅興

經年客食向京華  
懶對春風祇憶家  
覺道近來全俗了  
畧無一語及梅花

客中從厚祿故人乞米

范甌欲塵貧亦甚  
陶腰未折計何如  
小窓獨對蕭蕭雨  
臨得唐人乞米書

舟過孤山

寂寞梅花處  
士墳竹園巖脚一泉深  
偷瞻翠輦曾遊處  
水鑰年年護綠陰

秘省金魚池

落葉闌干小立時  
諸公慨想到腰圍  
但知官餽堪為餌  
不識人間有釣磯

觀潮

旗彩斜飛一命輕  
舟人却立萬舟迎  
不應當日將軍事  
猶到如今氣未平

獻可約遊北山阻雨

共約湖邊喚短篷  
曉來何事雨兼風  
山林只合間人到  
不入時官眼界中

立春有懷

十千呼酒醉長安猶記年時客裏歡有約南山南畔去  
只挑野菜當春盤

雅林小藁終